

3.


L


94

Law



John Carter Brown
Library
Brown University





NOVA NOVORVM.

Newer zeitungen aus

östen/ Westen/ von newen gefundenen
Landen/ Newen Völkern/ Newen handtie-
rungen/ vngchorten sprachen vnd schrif-
ten: Von *Francisci Draci*, Indi-
sche oder Amerische ex-
pedition.

Mit deren Landen eigentliche vnd wahre
beschreibung.



Gedruck /

Zu Neuhoffen // M. D. XGVZ.

NOVA NOTION
SICUTI MUNDUS

Quia...
Sicut...
Et...
Sed...
Itaque...



1617

Amstelredamum
Apud Joannem Blaeuw



Nachdem die Welt in ein langezelt
hero von der sündflusz abgestan-
den/vñ das menschliche geschlecht
sich geheufft vnd gemehret/ vñ
die Christenheit oder *Europa* auch
bald im anfang bewohnt ist worden / da dann
die Völker sich auffer einanderen zu spreiden/
wohnung vnd narung zu suchen hin ein gewich-
en als in einem säckel/ weil dieselbige noch runde-
umb mit dem meer in einem gar kleinen bezirck/
in ansehen der weide welt/ vmbfangen/ vnd ohn-
schiff keine wydere außflucht hatten / dan zu ruck-
zu sehen hatten sie keine plaz gelassen/ es wahr
da alles bewohnt: So hat sich das menschliche
geschlecht in diesen kleinen örtgen der welt mit ge-
walt müssen mehren/ dermassen das es auch bald
an der bewohnung mangeln / vnd der ein dem
anderen die narung benemen wirdt müssen. Der-
wegen in dieser zeit durch die vns hochnödige
vnd herliche kunst der schiffart (welche vns fur
anderen allein darzu von dem almechtigen Gott
gnediglich ohn zweifel zugeschickt ist worden)
von diuerschen dieses orts nationen practisiret
vnd in effect bracht wirdt/ diesem vbel fur zukom-
men. Vnd weider es einem iederen frei siehet seine

A. ij.

nahrung

nahrung mit ehren zu suchen / so sindt die fur an-
deren zu loben / die gedenccken das sie sich selbst nit
allein geboren / auch dardurch ihres negsten ja ih-
res ganzen Vatterlandts wolffart vnd nutz sue-
chen. Zu dissem ende haben die Engelandt fur
erst vmb Norwegen langs *Russiam* oder *Moscou-*
wen durch die *Vaigatz* ictz *fretum Nassouium* gehei-
schen / vnd also langs *Nouam Zemlam* durch
Iarmzee eine durchfart ostwarts gesucht auff
Quinsay, die heubtsiatt *China*, darinnen auch
der grosser *Cham* seine residenz hat. Dar nach
wie innen disse vahrt nit hat wollen gelucken / ha-
ben sie dieselbige westwarts gewant / vnd sindt
gekommen zwiffchen *Americam* vnd *Grænlandiam*
bis auff den 72. grd. lat. vnd promontorinn *Grænlan-*
diæ, *Sandersons hope dictum* erreicht. Zetz aber ha-
ben die Hollender mit grosser mühe vnd arbeit
auch vilfaltigen kosten zum drittenmahl die irsie
Engelsche vorgenomene vart widerumb auff s-
new versucht / sindt den 5. Junij lezt auß Holland
von *Ferel* abgefahren nach der *Moscouwen* zu /
vnd den 23. Junij in *Kildine* oder *Kildum* geländert /
von dannen ostnord Ost ihren cours vngeser-
lich gehalten bez an die *Vaigatz* 220 milen / funden
in *Noua Zemla* ein gar schonen hauen *Lomsbay* ge-
nant

nant / auß Lomsbay fahrend quamen abh eilan-
den / welche sie heischen Admiraltetz eiland /
Wilhelms Eiland / Grunz eiland / Eilandt von
Drangien ic. Von der Vaygat ick Enchuser ei-
landt von ihnen geheischen / *per fretum Nassouium*
vnd Iarmzee, ein enge zee / von den einwohneren
also genant / *cuius formam etiam aliquò modo expri-
mit*, findt vortan gefahren langs vnd vmb *Nouam*
Zemlam, nordt öst ten Dofien / Nordt / Nordt
west / Suidwest ic. auff welchen cours disse ei-
landen / *promotoria* vnd hauen gefunden / als nem-
lich Meelbaum / S. Laurentz / Schwantz ei-
land / *Cabo de Cant*, *Cabo primero*, *statuum promon-
torii*, zwei eilanden die zwei gebruederen genant /
Golt bay in *Noua Zemla*, *propter lapillos aurei colo-
ris ibidem repertos* also genennet / Walrus eiland /
vnd dern noch mehe / noch nit nahmhafftig ge-
macht / vnd biß daer an der kleinen insulen nah-
men in beigelachte charta welche allein das fur-
nehmste dieses handels ist außweisende / außge-
lassen. Vnd *Nouam Zemlam* also vmbseild gewes-
sen / haben sie ihren cours wiederumb nach *Colgo-
ie*, von *Colgoie* auff *Candinos*, von *Candinos* auff
Kildine oder *Kilduin* vnd also vorthan auff *Hol-
land* gekehrt. Sind aber auff dißmahl vnd disse

ihre letzte reise Anno Christi 1594. in septembri
geendigt / östwärts durch Fretum Nassouium vnd
die enge des Iarmzees gekommen nit weit von das
grosse meer Oceanus Scythicus & Mare Tabin ge
nant / wie sie auch von den einwohnern vernoh
men / darinnen sich zwei grosse flüssen Oby (durch
welche mare Caspium, wievil alte schreibenten ge
meindt / entlediget) vnd Olis, Oecharde forte, in
neben gelachter vnd furgerurter charta / sindt
sturzendt: Norwärts aber bis auff den achtend
siebenzigsten halben gradum latitudinis. Vnd wie
sie von den Samoiten gehordt / so sie es auff dis
mahl / da ein harder vnd scharpfer winter getwe
sen / welches sie auch in dem fahren vernomen /
sindt hin vnd wider in die enge zwiffchen den In
sulen in Iulio vnd in Augusto durch vil yß gefah
ren / da von das yß krachten als wen man pech
tonnen gebrant hette / bei den 77. grad. lat. langs
yß schollen so groß wie Gasielen / haben auch da
selbst in Goltbay drei tag auff dem ancker liegend /
das yß horen krachende den bergen abfallen als
wens gedondert hette. Zuergenantes grosse meer
soll gruen vnd gar tieff sein / reich von Walfis
schen wie auch Iarmzee vnd nimmer befriesen / al
lein dasz woll vil yß darinnen dreib / welches auß
den

den umbliegenden flüssen oder riuieren darinnen
getrieben vnd sich allein in die Nassowische /
Zarmzesche / vnd andere enge (wie gesagt) zwis-
schen den eilanden dringht / setz vnd zupries. Bei
dem 75 grad. lat. haben sie einen Walrussen / ein
Thier eines oxen größe / auff einer yß schollen
sitzend / bei einer kleiner insul nit weit von der
Goltbay gelegen / gefangen / vnd darnach auch
an genante insul geländert / ober die 200 Wal-
russen gefunden / vnd eine stund mit denselbigen
gekempft / aber keine künnen zu thodt schlagen / ha-
ben auch ahn disen örtern weisse bären gesehen.
Vnd wie wol die alte schreibenten gemeint es
solln *sub zona frigida* grosser kälten halben keine
leut wohnen / wie dan auch nit *zona torrida* gros-
ser hitzen halben / so zeigt es vns doch die tägliche
erfahrung ganz anders / als nemlich das sowol
differ als jener bewohnt / ihre nahrung vnd
händel treiben wie dan anderen / welche da
ein senffte / susse vnd liebliche temperatur der
luft haben / sindt allein nit allerding so volck-
reich. Die einwohner disses ortz der Nassow-

wischer

wisscher vnd Zarmzeesser strassen / ha-
ban ihre nah.rung mit kostlichen fellen oder
bälzen vnd mit traen vnd dergleichen dingen /
wexelen gegen ein ander mit wahren / vnd kennen
kein gelt / haben die konst von lesen vnd schreiben
wie dan dasselbige zusehen auß folgenden cha-
racteren / welche sie in den örtern auff den insulen
hin vnd wider gefunden / vnd wie es sich ansehen
lest den Russischen / dessen nachbawren desselbt-
gen finde characteren. et was gleich.

Dis mit der *A.* gezeichnet wahr auff einem
kreuz außgeschnitten / vnd gefunden in einer klei-
ner insulen 2 milen. von *noua Zemla* liegend grad.
76. *latitudinis.*

B. Diffe worden gefunden auff das landt
Noua Zemla siebentzig vnd zwei drittentheil
mit doht kisten / thoder manschen beinen / es funden
auch am selbigen ort drei holzen heuser nach
dem Nordschen art gebawet / aber wahren oben
plat / *ibidem* auff einem kreuz. *C.*

Diffe per *D.* gezeichnet funden sie in den el-
landen *Delgoy* vnd *Matflo* auff eine ober zwärchen
holz;

holz eines kreuzes / daselbst funden auch vil wasser
russen kopf. Vnd ist der Staten von Hollande
in diesem hochloblichen furnemen / ihre entliche
meinung / gerurte reise dieser letzten sommer
wiederumb nit mit geringen kosten zum vierten
mahl zu versuechen / sindt auch in bedencen *fres-
tum Nasouium* zuuerlaessen vnd ihren cours vmb
nouam Zemlam zu nehmen / wegen des groessen
eis / welches sich in die enge (wie gesacht) entselet
vnd lang stehen bleibt / derowegen auch weislich
nach meinem beduncken gehandelt / dasz sie fuer
erst die strasz vmb *nouam Zemlam* besichtigt ha-
ben. Vnd ist genzlich zu verhoffen sie werden
transitum oder ein durchfarht finden / welches in
nem *Maris Tabin incrementum vnd decrementum* da
wol zeigen wirdt / so baldt sie an dasselbige meer
kommen werden *posito promontory Tabin ex Plinio*
ist gar vnicher vnd vngetwiß / es kan da woll so
eng nit seyn / wie dasselbige sich in beigelagter
landtafel ansehen lest / auch kan dasselbige *proo-
montorium* vil mehe seidwarts nach der wärmden
liegen / das sie den fluß *Oby* gepassiert sindt
ihren cours sollen muegen sundtst nehmen
nach *China* zu. Dem sei aber wie im woli zwet-
fels ohn werden sie mit fleissiger nach such-
ung

ung auff disse weghe mittel vnd gelegenheit fin-
den/ grosse nahrung mit dem von *China* zutrei-
ben / es sei *per mare* oder durch den gewaltigen
grossen vnd reichen fluß *olis, Oechardis* in bei ge-
fuegter charten genant / oder sonst durch andere
vmbliegende flussen / krümmen vnd strengen des
meers / *Hauen* zc. welches der almechtiger Gott
so wol zu vnser als auch dem Heidenischen völk-
feren sältigkeit / nutz vnd wolfsart guetlich verles-
hen. Vnd souil auß den östien.

Auß den *Westen* ist vorlanges zeitung gekomen
es sollen auff vorgesezte münung / vnd (wie sie
sagten (*ut vim vi repellerēt, bellum, a patria, ab aris
& focis arcerent*, wie dan auch disse zeitung auß
vielen orteren taglichs confirmirt wirdt / sowol
auß *Engelandt* als auch *Hispanien* / die *Engel-
länder per Franc. Drakes* *Kidderer* / *Admiralen*
vnd *fuereeren* / eine schiff reiß auß *Americam* oder
die *newe welt* / ober die tausend meilen streckend /
angenohmen haben / vnd den *20 Augusti 1595.*
mit *47* gar woll geruste schiff / mit allerlei
kriegs rustung vnd andere notturfftige pro-
uision / vnd acht tausent woll geruste män-


ner dorhin gefahren findt / *Hauanam* ein sehr
reiche kauffstat in der Insel *Cuba* gelegen ein-
genohmen / Vnd sunderlich aber / ich gar new-
lich / ist auß Vonden schreibens kommen / da-
mit die vorige zeitungen nit allein gestreckt /
sonder auch sehr gemehret wirdt . *Syr Drakes*
solten neben *Hauanam* mehr erobert haben
Sanctum Iacobum ein gar schöner Hauenstat /
also geschiffen / vnd in der Insel *Cuba* / item
ein andere reiche stat *Cartagena* genant / auff das
firmlandt *America* ins lunde von *Cuba* / vnd
nit weit von *Nombre, de dios*, ein bekanten
Hauen *noua Hispanie*, gelegen . Item wie das
Franciscum Drakes auß Engelandt gefolget sint
Syr Walter Ruland vnd *Americam* an ein an-
der ort angegriffen hab / zu wissen in *Rio de las*
amazones ein gar schöne / grosse vnd goldreiche
fluß oder riuer / vnd solten sowoll disse als
auch *Syr Franc. Dracen* ihre beide anschläge ge-
waltlich glucken / die eingehnene Stätt
vnd Hauen mit vielen blockheuseren vnd
allerlei *propugnaculen* beuestigen soltenn auch
grossen beifall freigen /


von den Indianischen völkern / welche sie darzu
armiert vnd gewaffet. Vnd auff disse zeitung /
weil es innen nach wunsch vnd willen gät / sindt
in Engelandt alle schiff welche groß geschutz fue-
ren arrestiert vnd auffgehalten / eine newe arma-
da zu zurufen. Von den Indianischen inwoh-
neren ist genante Insul / dan die Engländer
erst ingefallen / geheissen worden *Cuba*, von den
Hispanischen aber *Alpha & Omega*, auch *Giouan-
na* vnd *Fernandina*, gar schmal / aber wie auß
beigelachten tabulen zusehen / bet die 165 meilen
lang / gelegen *sub zona torrida* ist vol gebirgs vnd
gewälds: Reich von golt vnd kopffer / hat vill
päch gräben / *prope portum principis* gelegen: hat
auch oberfluß von salt vnd suß wasser: alle ge-
wälds sindt vol wilder oren vnd schwein: von
vielerlei fruchten / allein wil keinen weichen vort
bringen. Kochen ihr bröt auß *Iuca plantæ* war-
zelen. Vnd wie man befind an vielen diuerschen
örtern der welt *quod natura interdum ludat & pro-
ferat res quasi humana industria factas*, als in Enge-
land in *salisbury* feld steinen schlangen / dar vnd
auch hier zuland sein als wäns perfecte geschlif-
fene diamanten wehren / steinen Wosschel schul-
pen / vnd des dinges vill / also thudis auch hie
10 mei


10 melten vngewehr Westwarts vdn S. Jacob/
langt ein wessergen in einem langen thal findt
man auff vnd in der erden/ welche die natur ganz
kunslich/ ohn menschen zuthun formiert/ aller
ley steinen kugeln groß vndd klein/ wie man die
dan zum geschutz zu gebrauchen hat. Der nach-
burschafft *Americæ* halben/ da dann begerliche
leut mehr platz haben/ ist disse Insul nit wol be-
wohnt. Von *Christophoro Columbo Anno humanae*
salutis. 1493. erst gefunden/ dar nach durch sei-
nen sohn *Iacobum Colombum* mit Hispanischem
volck auff sex örteren besetzt worden/ die heubt-
stat *cuba* ist *S. Iacobus*, welche/ wie vor gesagt/
nu auch *per Syr. Fra. Drakes* sol eingenomen sein.
Vnd läst sich nit anders ansehen als wolten die
Engeländer in dieser Insulen ihren säß machen/
vnd durch denselbigen an dennen örteren die rech-
tliche possession *Hispanorum*, welche nu bei die
hondert jaren gewäret/ zerstören/ auch selber
ein theil *Americæ* vnder ihrem gewaldt bringen.
Aber es ist kein zweifel daran/ die Königliche M.
zu Hispanien wirdt allen möglichen fleiß vndd
macht anwenden/ disse newe einnehmung zuuer-
stören/ vndd wie man ick hördt/ so ist schon die
mächtige vndd kurtzlich gar woll zugeruffte schiff

armada dar hin geschickt & principijs ob:
stare virtutis est. Der liebe Gott woll
hier vnd daer den menschem
zur sälligkeit frieden
verlehen .









28745

June 1867

L. S. G. 1867

7596

N 935n

